



info

PROFIL PENGERUSI KADIR

Nama: DATUK AZHAR AHMAD

Umur: 52 tahun

Asal: Kampung Panchor, Pantai Remis, Perak

Pendidikan:

- > 2013-2016: Pengajian peringkat Ph.D, Universiti Putra Malaysia
- > 2008-2012: Sarjana Sains Politik (Politik dan Kerajaan), Universiti Putra Malaysia
- > 2004-2008: Sarjana Muda Pengurusan dengan Kepujian, Universiti Terbuka Malaysia

Pengalaman kerja:

- > 2002-2004: Ketua Penerangan Felda Wilayah
- > 2004-2008: Pegawai Khas Kerajaan negeri Perak
- > 2008-2009: Pegawai Khas Risda
- > 2009-2013: Pegawai Khas kepada Menteri Besar Perak
- > 2013-sekarang: Pegawai Tugas-Tugas Khas kepada Menteri Besar Perak
- > 2009-sekarang: Pengerusi Yayasan Kemajuan Islam Darul Ridzuan (Kadir)

Kegiatan luar:

- > caretaker pasukan bola sepak Perak
- > Bendahari Persatuan Bola Sepak Perak (Pafa)
- > Presiden Persatuan Hoki Daerah Manjung
- > Presiden Persatuan Bola Sepak Daerah Ipoh
- > Timbalan Presiden Persatuan Hoki Perak

Pertubuhan politik

- > Timbalan Ketua UMNO Bahagian Beruas

Anugerah

- > 1995-Pingat Jasa Kebaktian (PJK) Perak
- > 2005-Pingat Pekerti Terpilih (PPT) Perak
- > 2007-Ahli Mahkota Perak (AMP) Perak
- > 2008-Bintang Khidmat Terpuji (KKT) Melaka
- > 2010-Paduka Mahkota Perak (PMP) Perak
- > 2011-Darjah Pangkuhan Seri Melaka (DPSM) Melaka
- > 2012-Mejar Kehormat ATM



GAMBAR kiri: Zambry Abd. Kadir mendengar ceramah agama manakala Azhar Ahmad (gambar kanan, belakang, tengah) bersama pelajar maahad tahfiz yang menyertai program ilmu di kediaman Menteri Besar di Ipoh, Perak baru-baru ini.

Laksanakan kerja dengan ikhlas bantu anak yatim, anjur program agama

Kadir dikagumi, dihormati di Perak

Oleh SAYED HESHAM IDRIS

pengarang@utusan.com.my

IPOH 10 MAC

BERMULA sebagai satu gerakan yang menjalankan kerja-kerja agama, Yayasan Dakwah Islamiyah Darul Ridzuan (Kadir) kini muncul sebagai pertubuhan bukan kerajaan (NGO) Islam yang begitu dikagumi dan dihormati di negeri ini.

Ditubuhkan enam tahun lalu, Kadir giat menjalankan kerja-kerja agama seperti kuliah agama, membantu anak yatim serta pelajar tahfiz di sekolah-sekolah pondok.

Kadir juga turun padang membantu mereka yang memerlukan seperti kepada mangsa banjir yang melanda negeri ini baru-baru ini.

Sumber kewangan Kadir diperoleh melalui sumbangan peribadi, sektor awam dan swasta juga daripada kerajaan negeri.

Pengerusi Kadir, Datuk Azhar Ahmad berkata, Kadir disegani kerana program serta bantuan dibuat secara ikhlas dan tidak uar-uarkan.

Katanya, ini kerana beliau yakin sesuatu yang dibuat dengan penuh keikhlasan pastinya memperoleh keberkatan daripada Allah.

Beliau berkata, program Kadir



Program ini ringkas sahaja tetapi pengisianya menusuk hati. Ia dihadiri pelajar dari sekolah pondok. Kita bersolat Maghrib, berzikir, kuliah agama dan makan dalam talam yang merupakan sunah Rasulullah."

**AZHAR AHMAD
Pengerusi Kadir**

yang paling memberikan kesan ialah kuliah agama di kediaman Menteri Besar, Datuk Seri Dr. Zambry Abd. Kadir pada setiap Khamis.

"Program ini ringkas sahaja tetapi pengisiannya menusuk hati. Ia dihadiri pelajar dari sekolah pondok. Kita bersolat Maghrib, berzikir, kuliah agama dan makan dalam talam yang merupakan sunah Rasulullah.

"Bayangkan, dahulunya pelajar ini berusia 12 tahun dan selepas

enam tahun mengikuti program ini bagaimana keadaan mereka sekarang?

"Program seperti ini sudah tentunya ada keberkatan. Golongan muda terdidik dengan agama, bukan sahaja berakhlaq tetapi tidak mudah terpengaruh dengan gerakan-gerakan agama yang melampau," katanya.

Azhar berkata, Kadir juga memberi perhatian kepada anak yatim yang menjadi antara teras program sejak awal penubuhannya.

Katanya, bantuan kepada anak yatim diberikan menerusi sumbangan kewangan dan lain-lain bantuan.

"Membantu anak yatim merupakan tuntutan agama. Kita perlu yakin dengan janji Allah bahawa jika kita menjaga anak yatim, menjaga agama, Insya-Allah tuhan akan menjaga kita."

"Apa yang Kadir lakukan adalah untuk agama semata-mata. Mungkin sebab itu negeri ini mendapat keberkatan dari Allah. Kalau kita tolong anak yatim, Allah akan tolong kita."

"Apabila pemimpin menjaga agama, negeri akan mendapat keberkatan. Kita tak perlu bising-bising, riuh-riuh untuk mengadakan program agama namun lama-lama

orang akan tahu juga," ujar beliau.

Jelas Azhar lagi, program Kadir selari dengan saranan Menteri Besar yang mahu menjadikan pertubuhan itu sebagai platform untuk mengajak manusia mengeratkan silaturahim dengan mengetepikan fahaman politik.

Lantaran itu, ujar beliau, Kadir tidak pernah dipandang serong pihak pembangkang malah tidak dilihat sebagai alat kerajaan negeri untuk meraih sokongan politik.

"Ini dapat dilihat apabila program Kadir turut dihadiri oleh pemimpin dari parti pembangkang. Mereka hormat kepada Menteri Besar yang mementingkan agama."

"Kadir bukan alat politik, tetapi alat perpaduan untuk menyambung silaturahim semasa orang Melayu dan umat Islam," ujar beliau.

Tambah beliau, selain program agama, Kadir turut turun padang membantu golongan yang ditimpakan bencana seperti banjir di beberapa daerah di negeri ini Disember lalu.

Malah, kata beliau, Kadir merupakan NGO pertama menghulurkan bantuan kepada mangsa banjir di Kuala Kangsar.

"Tuhan sudah menguji Kadir sewaktu banjir tempoh hari. Kami antara NGO terawal tiba dan menghulurkan bantuan. Kebetulan di

pejabat Kadir ada 2000 kotak makanan.

"Tanpa banyak soal, kami terus menghantar bantuan kepada mangsa banjir di Kuala Kangsar. Sukarelawan Kadir terdiri daripada golongan profesional bergegas memberikan bantuan.

"Malah, pelajar sekolah pondok turut membantu termasuk membersihkan rumah mangsa banjir. Ketika inilah kehadiran Kadir amat dirasai oleh masyarakat," kata beliau.

Jelas Azhar, Kadir mempunyai perancangan untuk menjadikan NGO itu benar-benar memberi sumbangan kepada agama.

Untuk itu, ujar beliau, Kadir bercadang menjadikan masjid di Chemor sebagai pusat sehenti untuk aktiviti agama seperti pertemuan dan perhimpunan ulama, pemikir-pemikir Islam.

Jika mempunyai modal, kata beliau, Kadir mahu menghasilkan produk halal dan produk-produk lain yang menggunakan jenama pendakwa terkenal Ustaz Datuk Kazim Elias.

"Kita mempunyai hubungan kerjasama dengan Ustaz Kazim yang menjadi antara tarikan utama untuk masyarakat menghadiri program agama anjuran Kadir," katanya.